



МОНГОЛ УЛС
БАЯНХОНГОР АЙМГИЙН ЗАСАГ ДАРГЫН
ЗАХИРАМЖ

2024 оны 03 сарын 10 өдөр

Дугаар А/128

Номгон

Орон нутгийн өмчийн бүртгэл, удирдлага,
зохицуулалтын системд шилжүүлэх тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 60 дугаар зүйлийн 60.1.1, "Монгол Улсын Засгийн газрын 2020-2024 оны үйл ажиллагааны хөтөлбөрийг хэрэгжүүлэх арга хэмжээний төлөвлөгөө"-ний 4.1.4-ийн 5 дахь заалтыг тус тус үндэслэн ЗАХИРАМЖЛАХ нь:


1.Төрийн болон орон нутгийн өмчийн эд хөрөнгийн мэдээллийн нэгдсэн системийг бий болгож, нийслэл, 21 аймгийн орон нутгийн өмчийн мэдээллийн сан, төрийн бусад байгууллагын мэдээллийн системтэй холбох ажлын хүрээнд цахим систем нэвтрүүлэх арга хэмжээг зохион байгуулсугай.

2."Орон нутгийн өмчийн бүртгэл, удирдлага, зохицуулалтын цахим системийг нэвтрүүлэх ажлын хэсгийг нэгдүгээр хавсралтаар, төлөвлөгөөг хоёрдугаар хавсралтаар баталсугай.

3.Төрийн болон орон нутгийн өмчийн бүртгэл, удирдлага, зохицуулалтын цахим системийг нэвтрүүлэх ажлын төлөвлөгөөг дагаж мөрдөх, төлөвлөсөн хугацаанд багтаан нэвтрүүлэх зохион байгуулалтын арга хэмжээ авч ажиллахыг ажлын хэсэг, сумдын Засаг дарга, орон нутгийн өмчит хуулийн этгээдийн дарга нарт үүрэг болгосугай.


4.Төрийн болон орон нутгийн өмчийн бүртгэл, удирдлага, зохицуулалтын цахим системийн шилжилтийн программд 2024 оны жилийн эцсийн мэдээг 2025 оны 03 дугаар сарын 31-ний дотор, 2025 оны эхний хагас жилийн байдлаарх хөрөнгийн бүртгэл, хөдөлгөөн, санхүүгийн тайлан мэдээг 06 дугаар сарын 02-ны өдрийн дотор үнэн зөв, бүрэн оруулахыг орон нутгийн өмчит хуулийн этгээдийн дарга нарт даалгасугай.

5.Захирамжийн хэрэгжилтэд хяналт тавих, гүйцэтгэл, үр дүнг тооцож ажиллахыг аймгийн Засаг даргын орлогч (Б.Наранбаяр)-т даалгасугай.

ДАРГА  Д. МӨНХСАЙХАН

625010387

Аймгийн Засаг даргын 2018 онд 3 дугаар
сарын 10 өдрийн 10 дугаар захирамжийн
нэгдүгээр хэвсрэлт



АЖЛЫН ХЭСГИЙН БҮРЭЛДЭХҮҮН

Ажлын хэсгийн ахлагч:

Б. Наранбаяр

Аймгийн Засаг даргын орлогч

Гишүүд:

С. Байгалмаа

Санхүү, төрийн сангийн хэлтсийн дарга

Д. Алтангэрэл

Газрын харилцаа, барилга, хот

байгуулалтын газрын дарга

Н.Энхжаргал

Эрүүл мэндийн газрын дарга

Ж. Алтанцэцэг

Боловсрол шинжлэх ухааны газрын дарга

Б.Пүрэвдагва

Соёл, Урлагийн газрын дарга

Ц. Мөнхжаргал

Аймгийн Улсын бүртгэлтийн хэлтсийн дарга

С.Батцэрэн

Аймгийн Авто тээврийн төвийн дарга

Б.Ичинхорлоо

Бүс орон нутгийн хөрөнгө оруулалт, бодлого

Төлөвлөлтийн төлөвлөлтийн хэлтсийн

мэргэжилтэн

Нарийн бичиг:


М.Мөнхбат

Орон нутгийн өмчийн газрын даргын албан

үүргийг түр орлон гүйцэтгэгч

_____оОо_____

Аймгийн Засаг даргын 2024 оны 10 дугаар сарын 10-ны өдрийн 10/10 дугаар захирамжийн хоёрдугаар хавсралт



АЖЛЫН ТӨЛӨВЛӨГӨӨ

№	Хийгдэх ажил	Хугацаа	Хариуцах этгээд
1	2	3	4
2025 оны 1 сарын 13-аас 3 сарын 31 хүртэлх хугацаанд Шилжилтийн системийг ашиглан суурь мэдээллийн санг бүрдүүлэх, Орон нутгийн өмчийн бүртгэл, удирдлага, зохицуулалтын цахим системд шилжих бэлтгэл ажлыг хангах			
1	Орон нутгийн өмчит бүх хуулийн этгээдийн дэлгэрэнгүй бүртгэлийг нягталж Улсын бүртгэлийн газартай тулгах	3-р сарын 31-ний өдрөөс өмнө	ОНӨГ, УБГ, өмчит хуулийн этгээд
2	Барилга, байгууламжийн бүртгэлийг барилга, байгууламж, нийтийн эзэмшлийн бүртгэл гэж 3 салгах, мэдээллийг бүрэн оруулах нягтлах	3-р сарын 31-ний өдрөөс өмнө	ОНӨГ, орон нутгийн өмчит хуулийн этгээд
3	Газрын бүртгэлийг E-GAZAR цахим системтэй тулгах мэдээллийг бүрэн оруулах нэгж талбарын дугаарыг нягтлах	3-р сарын 31-ний өдрөөс өмнө	ОНӨГ, ГХБХБГ, орон нутгийн өмчит хуулийн этгээд
4	Тээврийн хэрэгслийн бүртгэлийг VRS-Transdep цахим системтэй тулгах мэдээллийг бүрэн оруулах Улсын дугаар, Арлын дугаарыг нягтлах	3-р сарын 31-ний өдрөөс өмнө	ОНӨГ, АТҮТ-ын Баянхонгор салбар орон нутгийн өмчит хуулийн этгээд
5	Машин тоног төхөөрөмжийн бүртгэлийг МТТ (үйлдвэрлэл, тусгай зориулалтын тоног төхөөрөмж), Оффисын жижиг тоног төхөөрөмж (компьютер түүний дагалдах хэрэгсэл) Батлан хамгаалах зориулалттай тоног төхөөрөмж гэж 3 салгах, мэдээллийг бүрэн оруулах нягтлах, багцалж нэг бүртгэсэн бүртгэл байвал задалж бүртгэх	3-р сарын 31-ний өдрөөс өмнө	ОНӨГ, орон нутгийн өмчит хуулийн этгээд
6	Тавилга, эд хогшил, бусад үндсэн хөрөнгийн бүртгэлээс Номын фондыг салгах, мэдээллийг бүрэн оруулах нягтлах, багцалж нэг бүртгэсэн бүртгэл байвал задалж бүртгэх	3-р сарын 31-ний өдрөөс өмнө	ОНӨГ, орон нутгийн өмчит хуулийн этгээд
7	Бүх биет үндсэн хөрөнгийн бодит 3 хүртэлх зураг оруулах, биет бус хөрөнгийн лиценз, гэрээ, гэрчилгээ, программын цонхны зураг зэргийг оруулах (одоогийн байдлаарх)	3-р сарын 31-ний өдрөөс өмнө	ОНӨГ, орон нутгийн өмчит хуулийн этгээд
8	2024 оны хөрөнгийн хөдөлгөөнийг 2025 оны 3 сарын 31-ний өдрөөс өмнө, 2025 оны хөрөнгийн хөдөлгөөнийг 6 сарын 02-ний өдрөөс өмнө цахим системд оруулсан байх	2024 оны хөрөнгийн хөдөлгөөн 3-р сарын 31-ний өдрөөс өмнө, 2025 оны хөрөнгийн хөдөлгөөн 6-р сарын 02-ны өдрөөс өмнө	ОНӨГ, орон нутгийн өмчит хуулийн этгээд
9	Орон нутгийн өмчит үйлдвэрийн газар, компанийн Хувьцаа эзэмшигчийн болон Төлөөлөн удирдах зөвлөлийн хурлын удирдлагын модуль бэлэн болсон байх /Шаардлагатай мэдээлэл судалгааг бэлтгэх/	3-р сарын 31-ний өдрөөс өмнө	ОНӨГ, Программын компани
10	Аймгийн орон нутгийн өмчит байгууллагуудад шинэ системийн сургалт зохион байгуулах	7-р сарын 30-ны өдрөөс өмнө	ТӨБЗГазар, ОНӨГ, Программын компани

1	2	3	4
Орон нутгийн өмчит үйлдвэрийн газар, компанийн хувьд:			
11	Орон нутгийн өмчит үйлдвэрийн газар, компанийн судалгаа гаргах модулийн мэдээлэл бэлэн болсон байх 1.ТУЗ-ын гишүүдийн судалгаа 2.Гүйцэтгэх удирдлага болон эрх бүхий албан тушаалтны судалгаа 3.Хуулийн этгээдээс тухай бүрд нь динамик байдлаар авах судалгаа 4.Хуулийн этгээдийн хүний нөөцийн дэлгэрэнгүй судалгаа 5.Хэрэглэгчийн санал асуулга /Сүүлийн 10 жилийн мэдээ мэдээлэл бэлтгэх/	3-р сарын 31-ний өдрөөс өмнө	ОНӨГ, Программын компани
12	Орон нутгийн өмчит үйлдвэрийн газар, компанийн Төлөөлөн удирдах зөвлөлийн гишүүн болон Гүйцэтгэх удирдлагын сонгон шалгаруулалт, нөөц бүрдүүлэх модулийн мэдээлэл, шалгуур үзүүлэлт, холбогдох мэдээлэл бэлэн болсон байх.	3-р сарын 31-ний өдрөөс өмнө	ОНӨГ, Программын компани
13	Орон нутгийн өмчит үйлдвэрийн газар, компанийн Төлөөлөн удирдах зөвлөл, түүний гишүүд болон Гүйцэтгэх удирдлагын тайлан үнэлгээ, цалингийн модулийн мэдээлэл, боловсруулж, системд оруулах холбогдох мэдээлэл бэлэн болсон байх.	3-р сарын 31-ний өдрөөс өмнө	ОНӨГ, үйлдвэрийн газар, компани
14	Орон нутгийн өмчит үйлдвэрийн газар, компанийн төлөөлөн удирдах зөвлөл, гүйцэтгэх удирдлага болон эрх бүхий албан тушаалтнуудад зориулсан сургалт, шалгалтын модулийн мэдээлэл, асуулга, сургалтын материал мэдээлэл бэлэн болсон байх. А.Компанийн засаглалын сургалт, шалгалт, Б.Санхүү, эдийн засгийн төлөвлөлт, түүнд дүн шинжилгээ хийх В.ТӨБЗГ болон бусад байгууллагаас зарласан сургалтууд давхар цахимаар үзэх боломжтой байх	7-р сарын 30-ний өдрөөс өмнө	ОНӨГ, Программын компани
15	Орон нутгийн өмчит хуулийн этгээдийн Аудитын тайлангаар өгсөн зөвлөмжийн биелэлтийг тайлагнах модулийн мэдээлэл бэлэн болсон байх. Санхүүгийн болон бусад аудитын тайлан, түүний дүгнэлт, зөвлөмж, акт, биелэлт /Сүүлийн 10 жилийн мэдээлэл бэлтгэх/	4-р сарын 20-ны өдрөөс өмнө	ОНӨГ, үйлдвэрийн газар, компани
16	Орон нутгийн өмчит хуулийн этгээдийн Зорилтын саналын төлөвлөгөө, түүний хэрэгжилтийг дүгнэх модулийн мэдээлэл бэлэн болсон байх. Зорилтот түвшин, Хөрөнгө оруулалт, аудитлагдсан санхүүгийн тайлангаас автоматаар таталт хийн дүгнэдэг байх	4-р сарын 20-ны өдрөөс өмнө	ОНӨГ, үйлдвэрийн газар, компани, Программын компани
17	Орон нутгийн өмчит Хуулийн этгээдийн жил бүрийн санхүү, эдийн засгийн үндсэн үзүүлэлт, зорилтот түвшнийг төлөвлөх, түүний хэрэгжилтийг дүгнэх модулийн мэдээлэл бэлэн болсон байх /Сүүлийн 10 жилийн мэдээлэл бэлтгэх/	4-р сарын 20-ны өдрөөс өмнө	ОНӨГ, үйлдвэрийн газар, компани, Программын компани
18	Орон нутгийн өмчит хуулийн этгээдийн жил бүрийн хөрөнгө оруулалтыг төлөвлөх, түүний хэрэгжилтийг дүгнэх модулийн шалгуур үзүүлэлт мэдээлэл бэлэн болсон байх	4-р сарын 20-ны өдрөөс өмнө	ОНӨГ, үйлдвэрийн газар, компани, Программын компани

1	2	3	4
19	Орон нутгийн өмчит бүх хуулийн этгээдийн санхүүгийн тайлан, түүний тодруулга тайланг /аудитаар баталгаажсан/ автоматаар татаж системд оруулсан байх. Санхүүгийн тайлангаас гадна хуулийн этгээдээс нэмэлтээр оруулах шаардлагатай бусад санхүү, эдийн засгийн үзүүлэлтүүдийг системээр илгээх боломжтой болсон байх	4-р сарын 20-ны өдрөөс өмнө	ОНӨГ, үйлдвэрийн газар, компани Программын компани
20	Орон нутгийн өмчит хуулийн этгээдийн Санхүү, эдийн засгийн үзүүлэлтүүдийг нэгтгэн дэлгэрэнгүй дүн шинжилгээ хийх модулийн мэдээлэл бэлэн болсон байх. Зорилтын санал, Зорилтот түвшин, Хөрөнгө оруулалтын төлөвлөгөө, Санхүүгийн тайлангаас автоматаар таталт хийн, шинжилгээ хийдэг болсон байх.	4-р сарын 20-ны өдрөөс өмнө	ОНӨГ, Программын компани
21	Орон нутгийн өмчит Хуулийн этгээдтэй холбоотой санхүү, эдийн засгийн болон үйл ажиллагааны талаар дэлгэрэнгүй мэдээлэл бүхий цахим, динамик товхимлын мэдээлэл бэлэн болсон байх.	4-р сарын 20-ны өдрөөс өмнө	ОНӨГ, Программын компани
22	Орон нутгийн өмчит хуулийн этгээдийн Файлын сангийн мэдээлэл үүсгэхэд бэлэн болсон байх. Үүнд: А.Хуулийн этгээдийн бүртгэл, үйл ажиллагаатай холбоотой баримт бичгүүд Б.Хуулийн этгээдтэй холбоотой эрх бүхий дээд шатны байгууллага буюу УИХ, Засгийн газар, ИТХ, Засаг даргын шийдвэрүүд В.Хувьцаа эзэмшигчийн хурлын тогтоол, тэмдэглэлийн сан Г.Төлөөлөн удирдах зөвлөлийн тогтоол, тэмдэглэлийн сан Д.Аудитлагдсан санхүүгийн тайлан болон хууль журамд заасан нийтэд мэдээлбэл зохих бүх төрлийн мэдээллийн сан.	4-р сарын 20-ны өдрөөс өмнө	ОНӨГ, Программын компани
23	Орон нутгийн өмчит Хуулийн этгээдийн санхүүгийн болон санхүүгийн бус мэдээллийг нэгтгэн удирдлага, зохицуулалтаар хангах зориулалт бүхий нэгдсэн дотоод удирдлагын панелийг үүсгэхэд шаардлагатай мэдээллийг бэлэн болсон байх.	4-р сарын 20-ны өдрөөс өмнө	ОНӨГ, Программын компани
24	Хяналт шалгалтын төлөвлөгөө, хуваарь, удирдамж боловсруулах, шалгалтад хамрагдаж буй хуулийн этгээдэд удирдамж, тайлан хүргүүлэх явцын модуль бэлэн болсон байх, хамтран нягтлан шалгах /төлөвлөгөө, хуваарь, удирдамжийн загварыг программд хөрвүүлэх/	4-р сарын 20-ны өдрөөс өмнө	ОНӨГ, Программын компани
25	Цахим архив үүсгэх модуль бэлэн болсон байх	4-р сарын 20-ны өдрөөс өмнө	ОНӨГ, Программын компани
26	Хяналт шалгалтын төлөвлөгөө гүйцэтгэл, илэрсэн зөрчил дутагдал /хуулиар болон мөнгөн дүнгээр/, хяналт шалгалтын төрлөөр хянах самбарыг бий болгох нэгдсэн мэдээллийг үзүүлэх панель бэлэн болсон байх, хамтран нягтлан шалгах	4-р сарын 20-ны өдрөөс өмнө	ОНӨГ, Программын компани
27	Гүйцэтгэлийн хяналт шалгалтын загварыг программд хөрвүүлэх, хамтран нягтлан шалгах	4-р сарын 20-ны өдрөөс өмнө	ОНӨГ, Программын компани

1	2	3	4
2025 оны 6 сарын 1 -оос 7 сарын 1 хүртэл хугацаанд Орон нутгийн өмчит бүх байгууллагад сургалт хийх			
28	Төрийн өмчийн бодлого зохицуулалтын газартай хамтарч албан хаагчдад сургалт зохион байгуулах	7-р сарын 01-ны өдрөөс өмнө	ОНӨГ, Программын компани
2025 оны 7 сарын 1 -ээс систем Шинээр хийгдэж байгаа системийн Вакс-СЯНсе, Егон!-ОГПсе системийг нэвтрүүлэх.			
29	Орон нутгийн өмчит (оролцоотой) бүх хуулийн этгээд Орон нутгийн өмчийн бүртгэл, удирдлага зохицуулалтын цахим системийн дутуу мэдээллийн дүүргэлтийг хийх	7 сарын 1 -ний өдрөөс 8-р сарын 1-ний өдөр хүртэл	ОНӨГ, орон нутгийн өмчит хуулийн этгээд
30	Нэвтрүүлэх үйл ажиллагааг зохион байгуулах хяналт тавих, илэрсэн алдаа дутагдлыг мэдээллэх	9-р сарын 01-ны өдрөөс өмнө	ОНӨГ, Программын компани
31	Портал веб хуудас, Мобайл аппликэйшн нэвтрүүлэх бэлтгэл ажлыг хангах	9-р сарын 01-ны өдрөөс өмнө	ОНӨГ, Программын компани
2025 оны 9 сарын 1 -ээс Иргэд, Аж ахуйн нэгжид зориулсан портал систем нэвтэрч эхлэх			

оОо